

養素堂文集

養素堂文集卷十八

荅威張 謝介侯

書碑後一

書周師虎鼓蓋後

此鼓不見而其蓋爲安定陳秋谷官岐山縣廣文時所得
高一寸六分闊六寸有銘其文曰惟王三祀四月旣生霸
辛酉王在周客新宮王徙正師入王呼師睂錫師貝朋虎
拜稽首敢對揚天子丕顯休用作文考旅叔尊缺二字
孫永寶凡五十六字鼓下二字不可辨識按商曰祀周曰
季然稱祀者不必商也荅王克商訪鴻範于箕子書作惟

十有三祀博古圖周已酉方彝銘曰惟王一祀蓋周人沿襲商稱如此其曰錫師虎貝朋虎拜稽首云云者詩大雅江漢周宣王二年命召虎伐淮旉詩末二章有云釐爾圭瓚秬鬯一卣又云虎拜稽首對揚王休此器當爲召穆公虎旣平淮旉之明年拜其錫命而作也朱元晦注江漢詩引古器邠斂銘以爲文義相類孰知千百季後又有此器出土以爲詩證佐也耶秋谷子正常茂才搨以示余爲志其後如此

書鐘鼎款識後

鐘鼎款識云漢書言府弩機銘二十有七字延光三年閏

三月書言府作澍按書言府或疑是人姓名而他書無言
及者獨朱博傳云姑幕縣有羣輩八人報仇廷中皆不得
長吏自繫書言府據此是拘繫舉人之所也書言云者鞠
訊犯人書兩造之供辭耳而薛尚功乃云書言府者所謂
言則左史書之之義天祿石渠之屬蓋漢之祚庫隨府有
之若盾省是也其說非既云書言何得又云祚庫耶

書國三老袁良碑後

碑云孝猛征和三卒袁生曾孫幹斬賊公先勇拜黃門郎
按賈捐之罷珠崖對曰關東公孫勇詐爲使者又田廣明
傳云故城父令公孫勇謀反衣繡衣乘駟馬車至圍圍使

小史侍之知其非是守尉魏不害等共收捕之上封四人爲侯小史竊言上問之對曰爲侯者得東歸否上曰汝鄉名爲何對曰名遺鄉上曰用遺汝矣于是賜小史封關內侯食遺鄉六百戶小史卽幹也遺鄉金石錄作貴鄉誤世系表亦譌公先勇佗書皆佗公孫勇當从碑

又書國三老袁良碑

文云隱居河洛此洛係假借字蓋豫州之雒佗雒出豕領之雒水也雍州之洛水佗洛本自分別而魚豢魏畧云漢火行忌水故洛去水而加佳顏師古謂光祿以後改爲雒字淮南子墜形訓洛出獵山高誘注獵在北地西北夸中

洛東南流入渭又曰雒出熊耳高誘注熊耳在京兆上雒西北淮南王在前濫于洛雒二字分別劉然逸周書職方解雍州其川渭洛豫州其川滎雒二字亦分別與許氏說文同後人則洛雒互用皆沿黃初元季之詔未可從也

書博陵太守孔彪碑後

碑陰有故吏司徒掾博陵安平崔烈字威考按摯虞文章志崔烈字威考駟之孫瑗之兄子世系表駟子盤生烈濫書烈無傳增見崔實傳中此碑可以補史之闕又按劉孝標世說注服虔欲治春秋聞崔烈方集門人講傳乃匿姓名爲烈門人賃作食是其精通春秋子慎得聞其緒論獨

以銅臭遺譏何耶又烈子均字元平均弟鈞字孔平見九州春秋而崔氏謹以鈞字爲州平卽諸葛亮之友也

又書博陵太守孔彪碑後

碑有云拊馬蠲害按子夏易傳作拊云取也影宋本釋文曰用丞拯救之拯說文云舉也鄭云承也字林云拊上舉晉承說文拊上舉也易曰拊馬壯吉此碑亦作拊知漢時所傳如是當是孟氏易釋文大書用丞二字注云拯救之拯是陸氏所見王輔嗣易作丞也據釋文則康成易亦作丞訓承今本作拯者唐開成以後所改正文選揚雄羽獵賦丞民乎農桑李善注引聲類曰丞亦拯字也瀝書本傳

伯承民師古曰承舉也易艮不承其隨釋文亦曰承音拯救之拯蓋丞丞承通借字拊本字拯俗字橙或字

書韓勅造孔廟祀器碑後

按碑有故平陵令廙恢元世故涿郡太守廙次公故樂安相廙季公皆魯人當爲秦始皇將匈奴廙公之後吳王擯以廙出于魯恭公無據又張遷碑陰有故樂安太守廙君亭長當卽韓勅碑之安樂相季公也又韓勅孔廟後碑陰有兗州從事任城樊何榮邵公按何休字邵公任城人此何榮疑是休之初名也榮與休字義相通榮光四塞卽休氣四塞也

又書韓勑造孔廟祀器碑後

青龍在涖歎霜月之靈皇極之日說食石者不曉霜月爲何語歐陽公謂是九月五日而笑之靈不成語錢大昕養新錄云霜月者相月也爾雅釋天云七月爲相此說非也蓋霜月者九月即用詩之九月肅霜耳皇極之日謂五日也然瀝書外傳云正月于尚書爲皇極皇極者王氣之極也于此碑語不合又廣雅云甲乙爲幹幹者日之神也寅卯爲枝枝者月之靈也甲剛乙柔丙剛丁柔戊剛己柔庚剛辛柔壬剛癸柔則所謂霜月之靈者言九月之枝日用爾雅之歲陰也大戴礼天圓篇云陽之精氣曰神陰之

精氣曰靈此張揖所以言曰神月靈也文忠失考近人全祖望亦以爲陋語矣

書韓勅後碑後

碑內滎陽伯熒陽校劉寬碑鄭烈碑皆伯熒陽古熒陽字从火不从水尚書洙爲熒周礼其川熒雒左傳閔二年熒澤詩鄘風箋熒澤皆不从水唐盧藏用紀信碑亦作熒陽隨書王劭傳上表言符命云龍鬬于熒陽者熒字三火明火德之盛也禹貢釋文經宋開寶中改爲滎字非也沛水出沒不常故謂之熒猶熒惑之意也余正注圃固在熒陽隱元季杜注虢國今熒陽縣釋文本或伯滎非說文亦伯

熒陽水部榮字下云榮澶絕小水也訓釋不同可見熒澤
熒陽古不從水也今史記瀋書水經注皆爲淺人竄改遂
使熒榮錯出而岳相臺珂箸九經三傳沿革例且以陸元
朗爲未深考閻百詩潛丘劄記榮絕小水也爲余正正絕
流曰亂之絕與禹貢沛沔爲榮相發明可謂穿鑿埒會矣

又書韓勑孔廟碑後

碑陰有故蒙令大將匍掾山陽瑕丘檀敷文有按黨鋼傳
檀敷山陽瑕丘人少爲諸生舉孝廉連辟公府不就桓帝
時徵博士不言辟爲大將軍掾亦史之闕漏文有濫末名
士傳仵文友

書太尉劉寬碑後

按劉寬門生裨陰有皮氏長右扶風杜陽魏傑齊卿此卽
黨錮傳之魏齊卿也與勃海公族進階竝危言深論公卿
展履到門范書不書其名亦未言其爲皮氏長得此碑乃
知齊卿之名傑又蓋勳傳注桂陽魏傑爲賊敵都尉桂字
誤當仝杜陽杜陽屬扶風卽碑所謂杜陽魏傑也獻帝春
秋有步兵校尉魏桀疑卽是人桀與傑字相通且蓋勳所
表用士孫瑞係扶風杜楷係京兆楊儒係弘農第五雋係
長陵皆秦人傑爲杜陽何疑

又書劉寬碑後

碑陰門生有涿令遼西令支公孫瓚伯圭按范書公孫瓚
本傳瓚爲郡小吏舉上計吏舉孝廉除遼東屬國長史遷
騎都尉拜降虜校尉封都亭侯兼領屬國長史拜奮先將
軍封薊侯未嘗言爲涿令亦史文之缺惟魏志袁宏漢紀
則云遷涿令是碑文爲不謬矣又門生議郎北地靈州傅
燮南容而范書燮本傳亦言少師事太尉劉寬與此碑合
其爲議郎卽在爲護軍司馬安定都尉後也碑陰又有離
石長北地泥陽王邑文都按董卓傳注王邑北地涇陽人
考兩漢志北地有泥陽縣涇係傳寫之譌獻帝起居注邑
封安陽亭侯獻帝時爲河東太守被徵郡掾衛固中郎將

范光詣司隸校尉鍾繇請畱之曹操以杜畿爲河東太守
鍾繇促邑交符邑佩印綬徑從河北詣許自歸續漢書天
子幸安邑河東太守王邑獻縣帛又賵公卿以下其人可
取也

又書太尉劉寬碑後

碑陰有門生大尚書河南平陰張桓子戎是官有大尚書
也山陽太守祝睦碑云拜大尚書尚書僕射廷尉仲定碑
亦云徵議郎拜大尚書蜀志衛繼爲大尚書隨經籍志注
家漢大尚書崔實傳並論六卷晉周處碑亦云拜大尚書
王父別傳云徵爲相國司馬遷大尚書周孔昌寓碑云十

四世祖潛吳侍中生晉豫章太守竺竺生大尚書沖大尚書當是諸尚書之長故曰大尚書嘉興錢侍御儀吉以爲大是誤字余未敢信

書綏民校尉熊君碑後

碑云祖父

字缺二

治歐非尚書六日七分按六日七分見郎

顓傳蓋京房易也易稽覽圖甲子卦氣起中孚故坎離震兌各主其一方其餘六十卦卦有六爻爻別主一日凡主三百六十日餘有五十四日四分日之一每日分爲八十分五日分爲四百四分日之一又爲二十分是爲四百二十分六十卦分之六七四十二卦別得七分是每卦得六日

七分也乃卦氣之說卦氣始于孟喜章句其後京房揚雄
谷永皆依以爲說郎宗崔子玉皆學京氏易六日七分隨
經籍志有六日七分八卷又洪景伯以綏民校尉爲劉表
擅命所創設官非也袁宏紀獻帝使綏民校尉劉表宣喻
李催郭汜豈劉表所設哉又巴郡太守樊敏碑有襄義校
尉助義都尉亦在建安時

又書綏民校尉熊君碑後

按碑有顯字據文義當爲顯與濕之爲顯同也漢書功臣
表有濕陰侯地理志霍去病傳皆作濕陰則濕濕實一字
濕千乘郡有濕沃縣濕水所經地理志作溼五經文字水

部濕濕二字下云他匪反說文濕下隸省兗州水名經典相承以爲燥溼之溼石本溼作濕別以潔爲此字見夏書與釋文合與字義不同蓋溼碑借濕潔爲溼字今人以濕爲溼本字也

書冀州刺史王純碑後

碑陰有門生勃海公族進階卽灋書黨錮傳所云與魏齊卿竝危言深論不隱豪彊者也然碑凡一百九十三人皆書字而李賢注以爲名誤矣亦見風俗通郭林宗別傳

書樊毅論寧嶽廟碑後

文云世室不修春秋所譏又樊毅復舉下民租田口算碑

云大室不修春秋佗譏二碑同時所立知大世二字通用也公羊傳皆以世爲大如大叔儀佗世叔儀宋樂大心佗樂世心又鄭太叔論語佗世叔天子之子稱太子春秋傳云會世子于首止諸侯之子稱世子而晉有太子申生鄭有太子粲春秋經齊世子光左傳佗太子光是二字相通之證也

書司隸校尉魯峻碑後

碑後有故吏陳畱誠屯校後漢書儒林傳誠屯治嚴氏春秋陳畱人當卽其人

書吉成侯州輔碑後

碑陰有延篤叔堅名是叔堅疇昔亦與內閣周旋也觀其在東觀作孫程等傳咸埶會出于名賢之後極其詡揚則叔堅學術人品誠有愧于其師堂谿典矣然典亦爲中常侍曹騰所薦何師徒之相似耶碑又有處士李名缺文德當卽叔堅與書之永昌太守

書巴郡太守樊敏碑後

碑有云顯聞傑立卽提綱也又云冠履同囊投核長驅畢志枕丘冠履同囊者言其賢否竝進也投核卽投劾謂投檄也

書潘乾校官碑後

碑云宗懿招德校招德卽昭德古招字與昭通國語
子好盡言以招人過韋昭注云招舉也其說非後漢書鍾
皓傳好昭人過以致怨蓋言好盡已之言以明著人之過
也

書戶門頌碑後

按戶門爲楊淮所開淮事不概見惟蓋部舊傳曰太尉
李固薦楊淮累世服事臺閣旣爾繼舊典且有幹用宜在
機密特拜尚書固薨免官尚書令陳蕃表行狀復徵爲尚
書書此以補其事又郭頌世說楊淮字始立弘農寧陰人
曾祖彪祖修元康末爲冀州刺史此又一楊淮也

書蕩陰令張遷碑後

碑有云晉陽佩瑋西河帶弦按韓非子觀行篇云西門豹之性急故佩章以緩已董安于之心緩故佩弦以自急而碑乃俱到用之豈別有據耶抑誤用耶若南鄭趙宣之妻杜泰姬曰西門豹佩章以自寬宓子賤帶弦以自急又以帶弦爲宓不齊事未知所据何書

書斥彭長田君斲碑後

碑有云三歲喪父事母有柴穎之行按柴即高柴穎即穎考叔也又云見勞醕芳馨馥芬洪景伯曰醕字未詳按醕即醇字也勞醕即所謂勞酒耳勞上有史字當是刺史以

酒勞之

書祝長嚴新碑後

此碑見洪氏隸續云新治嚴氏春秋馮君章句馮君不知
爲何人按漢書馮奉世字子明初學春秋涉大義又馮立
字聖卿通春秋寧陽國志宿渠馮緄字皇卿少學春秋謝
承後漢書緄學公羊春秋又云馮元興肥鄉人爲御史授
左氏春秋于式乾殿通典引公羊說主藏太廟室西壁中
以備火災魏代或問高堂隆曰昔受訓云馮君八萬言章
句說正廟之主各藏太室西壁之中遷廟之主于太祖太
室北壁之中此是公羊家說元興授左氏春秋非其人當

爲杜陵之奉世興立或宿渠之緼也

書太尉宗俱碑陰後

碑陰有太原中都侯汝字文林按漢靈帝紀有侍御史侯
汝帝使以粥賑饑民不實受杖五十碑陰又有勃海脩張
儉字君則按黨錮傳之張儉字元節不知卽此一人否

書冀州從事郭君碑後

碑有云君年卅一以光和二年大荒載紙月戊申晦胥而
終又云魂而有知萬敬熙寧其銘辭內有云串千載涵山
停校大荒落已年也載紙疑是載紀巴郡太守樊君碑云
歲在汁洽紀驗期臻是邦雄桀碑有紀涪字亦歲在涪灘

也萬載卽萬載串千載卽垂千載也耆都太守李翁天非道碑云過者鞞鞞卽戰字是漢人戈字亦作友寫則鞞字爲載字信矣張公神碑贊中獻旁犬字亦作友

書漢尉氏令鄭季宣碑後

按碑文中有續旣二字下缺六字下接虞放鵬沙四字下缺十二字所謂虞放鵬沙者卽用舜放驩兜事也驩兜卽驩頭古文尚書作鵬毆韓昌黎詩用之廣韻引作鵬毆或作鵬毆又作鵬毆沙蓋指三危三危在沙州也而洪景廬隸釋以爲鵬與雕同雕是鳩名用趙簡子放鳩事失之遠矣鵬是鷩鳥豈爲鳩乎又碑陰有記室書佐侯瑾下缺二

字其字也或即文苑傳鼓燿之侯子瑜

書嶽廟殘碑後

碑陰有故功曹司隸茂才司空掾池陽郭暕公休故功曹
司空掾池陽吉璽伯房故功曹太尉掾頻陽游殷幼齊按
三輔決錄云游殷爲胡軫所害同郡吉伯房郭公休與殷
同歲相善爲總麻三月非此碑不知郭公休之名暕吉伯
房之名璽矣

書楊侍中文父神道碑後

按隸釋不知文父爲誰考漢書楊厚字仲桓廣漢新都人
拜議郎三遷爲侍中此後鄉人謚爲文父光祿大夫楊溥

之弟也爲楊統之次子而寧陽國志云楊厚卒八十三卒
天子痛悼詔諡曰文父與本傳不同又張霸亦諡爲文父

書成陽令唐扶碑後

文有云優賢颺歷按今文尚書云心腹腎腸曰憂賢陽而
左思魏都賦優賢著于揚歷劉淵林注云尚書盤庚曰優
賢揚歷歷試也又魏志管寧傳優賢揚歷塗聲千載裴松
之注今文尚書曰優賢揚歷謂揚其所歷試乃知正義憂
賢陽爲優賢揚之譌蓋康成本心腹腎腸爲優賢揚又以
下句歷字屬上讀耳又云有粵拊搃攸彊難化洪氏以拊
搃音如布戶言不順理也其說非蓋卽跋扈字詩之莖王

載旃齊詩作載坡是漢人友字多作市又跋扈之跋从足亦可从才如拓跋氏亦作拓拔氏也

書司空孔扶碑後

碑云扶當國時辟史晨之父爲東閭祭酒風俗通云周舉爲東閭祭酒周磐傳潁川太守韓崇召蔡順爲東閭祭酒且不特有東閭祭酒也經典序錄陳元爲司空南閭祭酒說文許沖表云臣父故太尉南閭祭酒又不特有南閭祭酒也晉書衛玠爲太傅西閭祭酒惟北閭祭酒不見載籍漢人所謂閭者皆門旁戶也顏師古公孫宏傳注云閭者小門也唐時不臨前殿御僊殿謂之入閭謂立仗于前殿

喚仗則自東西閣入耳然則東西南閣祭酒設于漢世胡三省謂曹魏時乃有東西閣祭酒俱矣漢舊儀丞相設四科之辟弟一辟曰德行高妙志節清白補西曹南閣祭酒

書蜀郡繁長張禪題名牌後

牌有云五大夫揚賞字伯鸞五大夫屈暢字進鸞是漢時尚有五大夫之爵也義井牌稱五大夫者三十一人漢承秦制爵二十級其九爵曰五大夫安帝紀永初三季三公以國用不足奏令吏人入錢得爲關內侯虎賁羽林郎五大夫緹騎營士又靈帝紀光和二年關西邸賣官自關內侯虎賁羽林入錢各有差是五大夫以貨得之者

書永建五季瀼長陳君閣道碑後

碑有云此地本有根閣二百餘丈洪景伯曰根字未見所出按根字卽柢字借作卽用蓋卽閣也柢一作板根字似之

書無極山碑後

瀼書律厯志光和三季詔書下太常其詳案記注平議厯術之要效驗虛實太常就耽上選侍中韓說博士蔡較穀城門侯劉洪右郎中陳調于太常府覆校記注平議難問而碑云光和四季八月辛酉朔十七日太常耽丞敏下常山相云云是耽于三季已爲太常也

書街彈碑後

碑有云吏無荷擾之煩按荷卽苛字而蜀郡屬國造橋碑有荷吏二人又有荷賊曹掾當是設吏以苛察諸事意與呵字同卽誰何之謂洪景伯曰鄰邑有荷節或是遣吏助之此說非也袁宏紀伏后一手持絹十疋董承使荷令孫儼從人閒所后荷令卽荷吏耳然范書皇后紀佗符節令孫徽以刃脅奪之當是蔚宗不知荷令誤改之

書荊州從事苑鎮碑後

碑云膺姿管蘇靖共衛上洪景伯以爲管仲蘇忿生非也按新序楚恭王有疾告諸大夫曰常侍管蘇犯我以義違

我以汎與處不安不見不思然而有得焉吾死後當齎之於朝碑即用此事蓋人筦筦字通故作管其實管筦二姓也管蘇呂氏春秋作蒐譖

書故民吳仲山碑後

碑有奈何二字北海相景君碑童子達盛碑均有之段若膺曰奈本借用李奈字而唐石經有奈字乃俗製字也然奈何二字兩見于左傳蘧啓疆曰不然奈何叔展曰河魚腹疾奈何皆楚人語召誥曰曷其奈何弗黻是二字古矣姚姬傳以爲是如何若何之誤恐未然也五子歌曰爲人上者奈何不黻攻梅氏者必以爲撫拾召誥之文矣老莊

屈宋皆有奈何語

書安平相孫根碑後

按碑陰有大中十四人陳勝傳勝以朱房爲中正兩溘無之魏陳羣始擇州之有鑒裁者爲中正晉宣帝加置大中正故有大中正小中正此碑之大中卽太中正非大中大也

書廣漢屬國侯李翊碑後

碑云深執盤匪言守考槃匪躬之節也觀下句棲遲不就可見洪景伯以爲盤匪者石不可轉也疑非盤亦同盤易之盤桓利居貞是已

養素堂文集

卷十八

六

書執金吾老榮碑後

碑云亦世載德亦卽奕字如楊震碑之亦世繼明李翕西
狹頌亦世賴福中常侍樊安碑亦世載德樊毅脩寧嶽廟
亦世克昌先生郭輔碑之休矣亦世綏民校尉熊君碑亦
世載德皆是也然詩云凡周之士不顯亦世濫書札志引
伯奕世是濫人用毛詩也鄭箋亦大也假亦爲奕耳濫人
用字多伯省文褻斜之斜伯余須胸之胸伯句如此者不
可枚舉

書司隸從事郭究碑後

按碑云懷刑拜讞拜讞者卽拜昌言也古文作昌今文作

黨李登聲類讜言善言也說文昌美言也班固西都賦云
讜言宏說李善注引呂忱字林讜言美言也張平子碑黨
言永諧劉寬前碑朝克忠讜後碑對策嘉黨是黨人黨讜
通用矣又云破莫邪之刃而不宰元摧晨風之翼而不厲
天不宰元謂刃破不得殺牛也又云命登六辰即趙壹書
所云司命斗極耳

又書郭究碑後

文有云槃桓俟時即易屯之初九盤桓也釋文磐亦作盤
又作槃馬云槃桓旋也釋文引易作般桓溼張納碑作般
桓張表碑作畔桓侯成碑作磐桓劉寬碑作盤桓字異而

義同管子小問篇君乘駿馬而游桓尹知章注游古盤字
曹大家幽通賤注盤桓不進也

書督鄧奭班碑後

碑有云爲五業博士又云嘖志五業要道氏綜按五業謂
五經也魏畧言樂詳五業竝授後漢荊州五業從事宋衷
與劉表共定五經章句故表以此官官之今魏志經典序
錄均作五等從事誤矣隨志宋衷爲五業從事同時王粲
荊州文學記亦作五業從事可知作五等之非矣

書李翕析里橋郿閣碑後

文云行理咨嗟按國語周之秩官有之曰敵國賓至關尹

以告行理以節迎之賈逵曰理吏也小行人也然古者謂
行人爲行李亦曰行理左僖三十年傳云行理之往來襄
八年傳亦不使一介行李告于寡君並作李昭十三年傳
行理之命無日不至則作理李理古字通故皋陶爲理管
子作爲李老子之後改爲理氏也又云劬勞曰稷兮惟惠
勤稷卽易之昃字一作吳釋文云吳孟作稷蓋卽側字穀
梁丁巳葬我君公雨不克葬戊午日下稷乃克葬尚書中
候握河紀至于日稷邇衡篇退俟至于下稷考河命篇至
于下稷鄭注稷讀曰側下側日西之時又靈臺碑云日稷
不夏費鳳別碑云乾乾曰稷太乎君子應以大稷說文曰

部盾在西方時側也徐鉉曰俗作吳非是

書崔瑗河間相張平子碑後

其銘辭曰往才汝諧蓋古哉才字通也論語鄭注云古字材哉同郭注尔疋引書茂才茂才卽懋哉懋哉也今郭注作茂哉茂哉乃後人改之子玉當用古文尚書又財裁才哉四字古皆通

書司農劉夫人碑後

郭忠恕云軍陳爲陣始于逸少按陳字作陣始于此碑香車騎陣不起于王羲之也又按隨書經籍志晉下邳內史王羲之小學篇陳字作陣當在此書郭氏乃譌爲逸少當

因義義之字誤疑而言也

書堂邑令費鳳碑後

碑云黎儀瘁傷泣涕連漉按黎儀卽皋陶謨之黎獻也洪
适隸釋讀儀爲旄倪之倪大非周官司尊彝鬱齊獻酌鄭
司農讀獻爲儀蓋古罄儀與獻通也漢書翟方進傳民儀
九萬夫卽用書大誥之民獻有十夫當是今文說古文苑
載班固車騎將領竇固北征頌云民儀響慕羣英景埒亦
是用尚書民儀二字又斥彭長田君碑云安惠黎儀伐討
姦輕泰山都尉孔宙碑云乃綏二縣黎儀以庫漢人解經
多如是者

書濟陰太守孟郁堯廟碑後

文有云據旋機之政按用堯典之在璿機玉衡也唐石經已下機皆作璣非也鄭注云轉迴者爲機持正者爲衡馬融云旋機渾天儀可轉旋孔安國云機衡王者正天文之器可迴轉者可見諸家皆作機字春秋迴斗樞云北斗七星第二旋第三機則機之从木審矣文選顏延年宋文皇帝元皇后哀冊文曰仰陟天璣李注曰天璣喻帝位也尚書考靈曜曰璿璣玉衡尚書爲此璣曹植秋胡行曰歌以永言大魏承天璣然璣與機同也按此當云尚書爲此機以別于考靈曜之从玉秋胡行亦作機其下申之曰璣與

機同也璿或作璇或作旋尚書大傳在璇機玉衡者何也
璇者還也機者幾也微也其變幾微而所動者大謂之璇
機是故璇機謂之北極後漢書安帝紀永初二年詔云據
璇機玉衡以齊七政周公孔殿圖記璇機離常周易畧例
故處璇璣以觀天運是璿璇璇璣機不同如此總宜訓爲
儀器乃或以璿機指帝位未免支離又碑云師工旌密旌
卽精字古旌精字通列子說符篇東方有人焉曰爰旌目
漢書張衡傳注引作爰旌目

書曹娥碑後

按此碑文爲度尚弟子邯鄲淳所作其云盱眙能撫節安歌

婆娑樂神婆娑者舞狀也所迎者伍君也而虞預范蔚宗
以爲婆娑神譌矣劉敞叔異苑亦襲之古文苑載碑後云
漢議郎蔡邕聞之來觀題文云黃絹幼婦外孫齋曰二百
季後碑冢當墮江中當墮不墮逢王叵世說謂魏老與楊
修同觀行三十里乃測爲絕妙好辭四字異苑則曰有婦
人浣于江渚曰第四車旣而問之禰正平也衡卽以離合
義解之考阿瞞足跡未嘗過江至上虞也斯又傳聞不審
之說惜項原列女後傳不傳不知其說云何

書夏侯孝若東方曼倩贊後

吾觀東方生與公孫宏書又與驃騎將劄書何其言之陵

厲也若乃匿曜吳市爲書師十餘年豈神仙者流果不可
不識字耶而或者疑其屢棄宛若非清淨之旨滑稽恢諧
違大雅之體殆若以篙測江未聞言於大伍公矣而孝若
之頌則真能繪歲星之須臾者

養素堂文集卷十九

荅威張 澍介侯

書碑後二

書魏公卿上尊號表碑後

文有云遵大鹿之遺訓又受禪表云故書陳納于大鹿古
麓鹿字通易之卽鹿亦卽麓也然鄭注以納于大麓爲
居攝魏碑則以爲卽眞誤矣尚書大傳納之大麓之野烈
風雷雨不迷致之以昭雩之玉堯本紀堯使舜入山林川
澤暴風雷雨舜行不迷舜本紀舜入于大麓烈風雷雨不
迷皆不言大錄萬機之政而馬季長鄭康成注尚書皆云

麓山足也又鄭注書序于舜典曰入麓伐木論衡吉驗篇
堯使舜入大麓之野虎狼不搏蝮蛇不噬逢烈風疾雨行
不迷惑風俗通山澤篇尚書堯禪舜納于大麓麓屬于山
者也晁皆不以大錄爲解蓋古文說也而張棟稱莽功德
莽之自謂及于定國傳上報安國論衡正說篇班固封燕
然山銘皆訓總錄是今文說而鄭注大傳亦云命舜陟佐
居攝致天下之事使大錄之又從今文說然大傳本文固
無大錄之說也僞孔叢子亦沿襲之咸由不知歷試諸艱
之文矣

書魏封孔羨碑後

文云揖五瑞今尚書作輯當是衛包改史五帝本紀作揖正義曰揖音集郊祀志揖五瑞師古曰揖與輯同合也音集是揖字从手也漢書兒寬傳躬發聖德統揖黎元張揖曰統察揖聚也臣瓚曰統猶總擊也揖當作輯師古曰輯與集三字並同虞書曰輯五瑞是也其字从木瓚曰當爲輯不通按書字揖从手而師古从木尤可證其不從車作輯也然師古于郊祀志从手于兒寬傳則又从木不知何以兩歧如此史記秦始皇本紀搏心揖志索隱云揖音集余正釋言揖合也玉篇廣韻皆云輯和也訓釋不同而史正義引釋言輯合輯是合聚之義今釋言無此文益可

證揖之不可作輯也然藻書百官表輯濯士輯即揖字濯
即權字小顏殆因此而謂輯揖集三字同也

書魏大饗碑後

碑有云是以士有拊譟之歡按拊譟即大誓之鼓噪也王
逸楚詞注云荑王三軍人人樂戰故馳驅赴敵當先前歌
後舞鳧噪譟呼也而藻書杜詩傳及劉陶傳但鳧藻釋云
如鳧之戲于藻非尚書之本義也

書前秦廣武將軍缺產碑後

此碑爲前秦張蚝之孫之子產與苟輔共立者也文有云
維秦建元四年歲在丙辰十月十一日廣武將軍缺使持

節冠軍將軍益州刺史上黨公之元孫三代侍中

缺卿建

忠將軍扶胥護軍扶風太守遷

缺

匡侯之胤子諱產字君

缺

又云君秉德

缺

予高韻絕流文柔荅烈令聞孔修又云

匡毗獻主忠訓殊異宰政欽中顯授池陽令又卽授征西
大將軍左司馬又云威臨南界與馮翊護軍苟輔參分所
在堯石偃師荅億以爲未得其人始末按十六國春秋前
秦錄廣荅將軍乃張蚝也蚝本姓弓上黨泫人爲張平養
子銅壁之戰爲鄧羌所禽苻堅以爲虎賁中郎將尋加廣
荅將軍又爲虎牙將軍進爲前將軍又爲前禁將軍十四
年爲并州刺史入爲後將軍堅伐晉蚝爲驃騎將軍丕卽

佐進蚝爲侍中司空上黨郡公本傳不言爲冠軍將軍益
州刺史然十八季晉楊亮攻涪城堅遣蚝帥兵救之蚝出
斜谷亮引兵退其爲使持節冠軍將軍益州刺史當在此
時也苟輔南安人爲堅新平太守姚萇率眾攻之輔與郡
人馮傑馮羽等固守爲萇所殺堅謚曰節愍侯前秦錄亦
不言爲馮翊護軍蚝本傳亦未言其子孫之名佐得此足
補史之闕文矣

書宋建寧太守羅君碑後

此碑阮雲臺師節制雲貴蒐得于陸涼州澍時令江西瀘
谿縣師立擘經堂集寄賜碑爲友人偕去分宜楊太之大

令赴滇買銅返豫章以此碑裝潢成帙見贈鵬喜過望按
碑鑿君名龍顏字仕德建寧同樂人祖肅魏尚書僕射河
南尹遷虜蜀流薄南入祖晉寧建寧二郡太守龍驤將軍
寧州刺史考龍驤輔國將軍八郡監軍晉寧建寧二郡太
守追謚寧州刺史邛都縣侯君承尚書之孚孫監軍之令
子本州禮命主簿不就三辟別駕從事中正舉義熙十年
秀才除郎中相國西鎮邊南蠻府行參軍除試守建寧太
守貫佐本州司馬長史除散騎侍郎又除龍驤將軍試守
晉寧太守襲封邛都侯遷本號龍驤將軍護鎮蠻校尉寧
州刺史享年六十一歲歲在丙戌十二月上旬薨故吏建

宣趙次之巴郡杜長子等築石樹碑碑末云長子麟卯早

終次弟麟紹次弟麟暄次弟麟崇樹此碑大明二年歲在

戊戌九月嗣孫頤缺頤萬頤思頤缺頤羅頤缺頤俗等左

至簿益州杜長子文建宣龔道慶伯考姓氏書咸言龔本

河東安邑人七葉祖事晉爲南宣太守屬中國亂遂王龔

有梁元帝時有龔瓚據南宣之地而此碑云頤頤之予胄

才子祝融之眇胤又云夏后之盛敷陳五教勲隆九土又

云耀暉西岳霸三郢楚子文銘德于春秋斑明紹蹤于季

葉陽九迥否蟬蛻河東道遙中原斑彪刪定漢記斑固修

述道訓爰及漢末菜邑于龔因氏設焉以龔出于斑是乎

姓之後然戰國魏有爨亭則不始爨末碑言祖肅爲魏尚
書僕射河南尹而謝承後漢書肅爲河南尹乃漢官蜀志
有領軍爨習寧陽國志有交趾太守爨谷牙門爨熊晉書
伯鸞能爲孫皓殺又晉書李雄時有梁州刺史爨亮通鑑
伯鸞胡三省曰與疆同非也宜伯量爲王遜刺殺蜀錄李
勢時宣州刺史爨頤又有交州刺史爨琛寰宇志伯深與
古郡人爲本郡太守今南寧縣南有興古太守爨府君碑
是皆龍顏之祖也龍顏南史有傳所叙官爵與碑同傳又
云有碑在故納河縣西三十里又云爨雲仕魏累官驃騎
大將軍開府儀同三司南寧州刺史同樂縣侯有碑在陸

涼州南三十里今龍顏之碑出于陸涼州而琛雲二碑反沈霾不見何耶

書汲縣太公碑後

碑引周志云文王夢天帝服元襪以立于令狐之津帝曰昌賜汝望文王再拜稽首太公于後亦再拜稽首文王夢之之夜太公夢之亦然其後文王見太公而剖之曰名爲望乎答曰唯爲望吾如有所見於汝太公言其年月與其日且盡道其言臣此以見也文王曰有之遂與之歸以爲卿士望釣于河得玉璜刻曰克邲者姬昌曰衣青兕而王逸楚詞注云周文王夢太公在後帝曰昌賜

汝名師文王再拜太公夢亦如此文王出曰見識所夢載與俱歸以爲太師叔師引夢下脫帝字否則下帝曰字何根

書東魏汲郡太守穆子容碑後

碑云公塋以輔翼流詠子平以確素致謠按尙氏因呂尙得姓卽鄭漁仲所謂以字爲氏也然史記齊世家太公塋呂尙譙周曰姓姜名牙索隱云牙是字尙是名則是以名爲氏矣子平逸民傳作向高士傳作尙此碑則從高士傳書北魏李仲璇孔子廟碑後

文有云黃寶出日按今本尙書作寅寶說文寅辰名黃散

惕也尔疋釋詁寅敬也易艮三列其夤馬融云夾脊肉也
鄭本伯臆文用夤係借字文選永明九季策秀才文夤奉
天命李善注引尔疋夤敬也鄧展遽書注亦曰夤敬也集
韻引書夤淺納日皆用假借字也堯典咎繇謨伯寅者爲
古文尙書也孔傳賓導也史記伯敬道日出是賓訓導矣
字或从手从人

書周造象記後

按碑末有同蹄姓六十餘人字書無蹄字卽蹄字也元微
之詩曰白紵頻歌黛同蹄墜舞釵自注云白紵同蹄皆樂
人姓名非也白紵吳時樂歌亦伯白緒且同蹄爲姓亦非

名也蓋同歸卽銅鞮以晉同變而爲同歸耳

書周聖母四面像碑後

碑有威烈將軍荔非道慶邑子荔非仕民荔非社叔按卽
荔非氏也北史有荔非世雄唐書有荔非諫荔非元胤荔
非守瑜李元諒楸功昭德頌有耆民荔非昇古又伯利非
氏見苻秦建元四垂重修鄧太尉祠碑有軍功曹佐宣戎
利非缺一字永遠又伯麗飛氏

書乙速孤神慶碑後

按集古錄謂乙速孤氏唐無願人以姓見于當時者神慶
一人不知神慶之祖爲魏驃騎大將軍父晟官驃騎將軍

有子行儼行功行方皆列顯佐本王氏也歐陽公于是失考

書褚河南陰符經後

按陰符經唐藝文志一卷有太公范蠡鬼谷子張良諸葛亮李淳風李筌李洽李鑒李銳楊晟十一人注今本止太公范蠡鬼谷子諸葛亮李筌六家注如天發殺機龍蛇起陸人發殺機天地反覆而褚遂良本云天發殺機移星易宿地發殺機龍蛇起陸人發殺機天地反覆與佗本不相同當以河南本爲是

書破邪論後

破邪論者虞永興爲潁川陳法師伯也法師伯有破邪論而世南伯序蘭揚之乃斥太史令傳奕學業膚淺識慮非良穿鑿短篇馮陵正覺其言殊戾於理以奕之呵黼瑀爲空桑致胡僧之自斃真能爾佛衛吾道者何竟爲此訾議行秘書於晷乎失言

書顏魯公劉中使帖後

帖云應州爲盧子期所圍舍利將軍擒獲之趙紹祖金石文鈔云舍利將軍不舉其姓氏蓋不知舍利之卽姓也唐龍朔中有左衛大將劉舍利阿博曾孫舍利葛旃兼御史大夫賜姓李氏名奉國從父弟澄荏衛大將軍又有雲中

都督舍利元英均見唐書

書楊益川少室山碑後

文云考于倉神紐白玉猶存驗于山海經黃花不落按倉神紐宜作含神霧此山巔有白玉膏得服之即得仙道世人不能上也說見詩緯含神霧

書唐東平太守章仇子素神道碑後

文有云於紀裂繻去國筮仕于周世守保章因官爲姓素項之際有雍王章邯爲漢所併於字三佐降處仇山取因生之舊名增卜居之新號草字四焉是紀章仇姓之所起也與姓謚所云避仇之說不同

書十八學士畫像於贊后刻後

秦府十八學士圖贊舊有宋沈存中跋謂其中名字於史不合者多如姚柬字思廉唐書作姚思廉字簡之蘓壹陸元朗薛莊唐書皆以字爲名李元道蓋文達于志寧許敬宗劉孝孫蔡允恭唐書皆不字房元齡字喬季唐書以爲房喬字元齡孔穎達字仲達唐書字穎達蘓典鑑名從九從曰唐書從曰從助許敬宗薛莊官皆攝記室唐書以爲直記室蓋唐書成於後人之手所傳容有譌謬此乃當時紀實者也按唐褚亮傳在德四季太宗爲天策上將軍冠亂稍平於宮城西作文學館下教以大行臺司勳郎中杜

如晦記室考功郎中房元齡于志寧軍諮祭酒蘓世長天
冊府記室薛收文學褚亮姚思廉太學博士陸德明孔穎
達主簿李元道天策倉曹參軍事李守素王府記室參軍
事虞世南參軍事蔡允恭顏相時箸佗郎攝記室許敬宗
薛元敬太學助教蓋文達軍諮典籤蘓勗以本官爲學
士比季收卒後復召東虞州錄事參軍劉孝孫補之薛收
傳收卒王哭之慟其後圖學士像歎其早死不得與蓋聞
之本圖像褚亮爲贊乃七季以後事司馬溫公通鑑以
圖像爲贊載入懿德四年故有薛收而無劉孝孫誤矣而
存中以贊爲于志寧但未詳所據明周天球說圖卷藏大

內永樂中仁廟與廩丘競相取玩成祖乃收付兵科時兵
科官侍直也以故卷至今置兵科云余按太岳集言此卷
藏山西蒲州監生魏希古家嘉靖癸卯甲辰閒希古攜以
游京師京山侯崔都尉以二百金購之不與是時邊患孔
棘希古因條陳邊事以此卷封之意圖進用疏入不省
以其疏並卷發兵科遂畱藏兵部又與周氏說不同太岳
當得其實也廬州府有圖像並贊石刻余於丙寅歲至合
肥見之因錄其文而並志其後如此

書唐昌州刺史韋君靖碑後

余既于北山按得韋君靖碑遂檢乾隆十五年邑令湖南

李德所修縣志云北山唐刺史韋靖于此置城脫去君字
覆查舊通志云乾符初韋君靖爲榮昌令時黃巢韓秀升
兵起君靖督兵討之動以信義所向克捷累官尙書僕射
今按碑文乾寧二年君靖卽爲昌州刺史兼普合渝昌四
州都指揮靜南軍使不言爲榮昌令是舊志誤也王象之
輿地碑目考云韋君碑在昌州北山乾寧二年靖南令胡
密纂又脫靖字靜南之靜譌爲靖今通志仍沿其譌則以
此碑及古文孝經維摩畫像碑六十四卦象六經圖高祖
大風歌吳季子墓諸碑皆列入榮昌縣金石志中誤矣王
象之言此六碑在昌州北山而六經圖碑在郡學今吳季

子碑存數字高祖大風歌亦存數字均在北山其韋君靖
碑有云頃以乾符之際天下騷然蝗旱相仍兵戈四起公
覩茲遐僻人不聊生遂合集義兵招安戶口又云洎黃巢
侵陷京闕繼駕幸成都又云韓秀昇勃亂黔峽侵軼巴渝
公乃統率將士討除逆黨值秀昇盡拋舟楫圍逼郡城公
乃詳度機宜上下攔截依山置陣臨水布兵兩面夾攻齊
心剪撲賊勢大敗我荅益揚考唐書云中和二年滑州刺
史韓秀昇等亂峽中與屈行從斷峽路陳穀瑄遣兵討之
皆爲所敗江淮貢賦斷絕雪安清井路不通乏鹽穀瑄奏
以高仁厚爲行軍司馬將兵三千討之新唐書云仁厚聞

賊儲械子女皆在屯乃以銳兵瀕江伐木積水礙舟道負
岸而陳使游軍逼賊久不戰則夜以千卒持短刀彊弩直
薄營火而譟之秀昇率州兵救火仁厚遣人驚沒鑿舟皆
沈眾懼多潰秀昇斬潰兵欲脅止之眾怒執秀昇以降仁
厚檻車送行在斬於市與碑所載情事符合蓋君靖與仁
厚相爲犄角以破秀昇也碑又云渝牧田公備錄奏聞一
字忠節檢校御史大夫除拜普州刺史所云田公指渝州
刺史田洄也舊唐書云洄能平劇賊誠信廉能民懷其惠
致政歸家甚貧蓋田牧以戰功奏聞得授普州刺史也碑
又云適值川帥效逆將臣專征公乃收復合州絕其支蔓

恩旨加右散騎常侍除拜合州刺史所云川帥效逆指東
川節度使楊師太也所云將臣專征指高仁厚也考新唐
書云中和四季東川節度使楊師太聞陳敬瑄以高仁厚
代已有望言敬瑄諷帝召師太以本官兼右僕射師太益
怒移檄言敬瑄十罪殺監軍田繪屯涪城遣兵攻綿州不
克又檄劍州刺史姚卓文假卓文指揮應接使共攻成都
帝乃下詔削官爵碑又云洎鄭君雄缺二失律廣漢山行
章尙書攻圍當州考綱目仁厚至德陽師太遣其將鄭君
雄據鹿頭關以拒之堅壁不出仁厚列柵圍之夜二鼓君
雄出勁兵掩擊城北寨行軍副使楊茂言不能禦帥眾悉

諸寨聞之皆走君雄下缺字當是地名按新唐書云師古
投池中君雄斬其首降爲遂州刺史光啓二年仁厚據梓
州絕敬瑄君雄亦陷瀘州敬瑄使部將李順之逆戰君雄
死卽碑所言失律也十國春秋前蜀本傳山行章一名章
陳敬瑄之亂行章拒高祖于新繁師敗復爲高祖破于廣
都後請降隸帳下有戰績乾寧四年授都押牙出鎮黎州
卽其人也碑又云故府太尉丞相顧公累降命旨缺二字起
應公統領精銳二萬餘人虔告蒼生申令士卒併破七十
二寨殺戮萬餘缺一字人大振威聲上聞授工部尙書拜當
州刺史充昌普渝合四州都指揮靜南軍使累加刑部尙

書左僕射所云顧公指顧彥暉也新唐書云乾寧二年昭宗在石門督顧彥暉王建赴行在建率兵二十萬次綿州即劾彥暉剗輜迎回襲之彥暉不敢出但遣人塞建舟路建遂擊取巴蘭蓬渠通果龍利八州李茂貞使子興元節度使繼密引軍救彥暉以窺東川四季彝洪率眾五萬攻彥暉取渝昌普三州壁梓州南敗彥暉兵奪鎧馬八百凡五十戰圍遂固彥暉手殺妻子乃自刎如碑言當是彥暉告急於君靖爲之出師也然渝昌普三州皆君靖所筦而彝洪取之碑所云破七十二寨威聲上聞者當是旣失而復取之也碑又云然則士馬雖精其如城柵未固思大易

習坎之義王公設險之文乃于景福壬子歲春正月卜築
當鎮西北維龍崗山建永昌寨按今龍崗山在縣西北十
里其山環拱山脊折紋如龍鱗故名是碑以北山爲龍崗
山志以西山爲龍崗山也碑又云人力子來叢鋪雲至連
麓比屋萬戶千門又云築城牆二千餘間建敵樓二百餘
所今則淪祀無復遺跡矣碑又云公又於寨內西缺五翠
壁鑿出金仙現千手眼之威神具八十種之相好即今之
諸佛像缺四是也碑又云施缺四錢舍迴祿俸以建浮圖聆鐘
磬于朝昏宣讚唄于遠近即今之多寶塔是也碑又云其
軍中節級將校等深達機畧博識古今皆是公同志缺兄

字

一心報國戮力從軍咸奉渥恩皆霑爵賞列署名銜庶

不墮勲業卽碑下截所刻之一百六十餘人也內有韋君

意韋義豐韋君球韋君芝韋君政韋君遷韋君牽韋君貞

韋寶銖韋益銖韋迪銖韋寶韋壽韋和銖韋宗銖韋公銖

韋公

字缺一

韋延韋彥銖二十二人昔係君靖兄弟子姪碑

文兄下缺三字當是弟子姪字碑又云密叨列門館累戴

恩光學淺文荒紀

字缺三

其未盡神愚知拙錄美事而猶疏

輒將鄙俚之詞聊述

字缺二

之績將欲煥乎不朽傳之無窮

遂藏斯文乃鐫貞石是胡密自述其簪文也末云大唐乾

寧二年歲次乙卯十二月朔十九日辛丑記此碑塵露千

載著錄于王象之碑目而其文不傳余乃得親至碑下掘
堙土洗滌薶墓搨出之仍爲吾大足縣有榮昌不得而爭
之樂何如耶其碑文由後而前與佗碑不同嘉慶二十四
年正月十三日大雨燈下書此以貽好古之君子

書趙瞻神道碑後

按宋史本傳瞻字大觀鳳翔整屋人舉進士以大常博士
知威州瞻以威茂雜羣獠險而難守不若合之而建郡於
汶川條箸其詳爲西山別錄後熙寧中朝廷經理西南就
瞻取其書考焉歷官樞密院事謚懿簡其言與神道碑同
但碑言元祐五年三月丙寅公薨諸孤奉喪歸整屋詔遣

使護之其年九月壬午葬孟兆社先塋則懿簡之墓宜在
陝西不知昌州何以有神道碑且碑亦未言爲昌州或其
子有爲昌州守者乞淳夫文刻於此亦未可知考蔡京于
元祐四年知永康軍則其碑立于七年五月宜在此時書
也容齋四筆云眉州小集有元祐中奏稿云臣近準勅差
簪故同知樞密院事趙瞻神道碑并書者臣平生本不爲
人簪行狀埋銘墓碑士大夫所共知伏望聖慈別擇能者
特許辭免是蘇氏不肯簪而淳夫爲伯之也而蒼澗軒碑
跋云宋蔡京正書集賢趙大觀神道碑此乃黃美之故物
鐵頭是徐子仁所書流傳幾許乃歸元白鄭子經言蔡公

書令人掩鼻而過元白收此毋乃采非之意耶此以元長之人而遂訾其書殆溝渢之見耳蘇黃之真蹟今具在能與此碑抗顏耶

書畫維摩石像碑後

大足縣舊志云惠因寺在治南四十里宋紹興中大壁畫維摩圓寂像後易石像明末焚燬按王象之輿地碑目考云畫維摩石像碑紹興間北山刻云昌州郡之惠因寺藏殿壁陰有水墨畫文殊詣維摩問疾一堵意全相妙合經所說恐浸漫滅故石刻于此余于己卯正月游北山既按得唐昌州刺史韋君靖建永昌寨碑遂沿山尋之復見此

像隋壁盪削高三丈寬二丈畫文殊坐寶牀上旁一聖者
手持鉢鉢內有物如珠向文殊狀卽經所言散花之天女
也上面侍弟子十人下面侍弟子七人皆無髮頭陀左側
畫維摩首所戴卽金粟綸巾身所服卽鷲子衣有須坐寶
牀手執如意首向文殊斜睨旁侍二弟子下面左七弟子
皆戴巾手執幢節寶瓶諸物按維摩經云西竺維摩詰廣
嚴城處士也佛聞其病使十弟子四菩薩往問訊皆以不
勝任固辭最後遣文殊師利行因其談妙道遂成此經所
畫卽此事也晉書謝靈運髭美臨刑因施佗南海祇洹寺
維摩詰髭此維摩有須之證石壁上中均完好惟維摩下

面七弟子像微有駁落又碑前上面刻云李大郎摹羅復
明另刻佳崑僧志誠凡三行首行四字二三行各六字稍
下側刻云母親薛氏家室任氏男謙紹興甲寅重九日謹
銘圖福利堅久斯碑不墜初摹日同施大錢叁貫當州充
壺十將文志於凡五行首行十字二三四五每行皆九字
像右上面刻云東平十清河八成紀二太原三徧觀此院
壁畫維摩居士最佳佗皆不逮主僧宣護之丁卯仲秋月
十四日顯凡六行首二三行各七字四五行各八字六行
五字自後而前書之壁外后匡上刻云普慈趙子充同弟
柔文姪庭彥紹興庚申四月念三日乘興同游男德言侍

行凡四行前三行皆八字末一行六字是此碑今尚存也
通志謂明末焚燬者誤又以爲畫圓寂像直以病爲死矣
且以石像仍在惠因寺尤爲孟浪惠因寺今寺觀志內不
載猶之玉井谿石齋灘見多寶塢內石記月富里見寶頂
山古佛灣石壁刻富春里見聖壽寺碑三谿里見潮音寺
碑老人里見白塢寺洪武時鐘款今皆無之

書宋淳祐十季大足令何光震教授張順臣等餞昌
州守王夢應碑後

大足南山三清古洞外右石壁有宋淳祐十季冬十月大
足縣令何光震昌州教授張順臣主簿楊莘起等餞昌州

守王公夢應之碑余既揚其文入縣志以傳矣今覆跡之
碑有云人物有賢良王文安之清又云有楊賢良六經圖
勒石按楊賢良名甲字鼎卿其人以詩鳴又能歷精經學
如此碑又云偕爐峯陳先生用庚厚山與此閒何公應龍
從叔聯辛酉類省魁何公嘗仕于朝終蘆憲後未有聞焉
爐峯教授此州有不拜偽詔之節今按李心傳朝野雜記
云吳之異大足人逆曦常欲以季春聘士預令就聘者書
行執季籍之異叱吏卒不爲撓是吳之異不從吳曦之聘
陳厚山不拜元詔棄官去其勁風亮節如皎日嚴霜與張
山翁家子欽李莊輩相頡頏今志書於無之異名亦考古

音之疏陋也按張順臣遂寧人淳熙元年辛丑科徐儼夫
榜何應龍內江人登嘉泰二年壬戌科傳行簡榜何光震
當爲孝子光覺昆季其楊華起王文安皆湮事實王夢應
嘉定癸未科登進士合州巴川縣人碑又云制使余先生
請於朝命前資守合陽王侯夢應領昆州指余玠也玠字
義夫蘄州人淳祐時爲四川安撫制置使兼知重慶府兼
四川總領兼夔路轉運使云

書宋徽宗手詔碑後

曹學佺名勝志云大足縣之東禪寺有宋徽宗手書碑今
其寺邑令趙憲高於乾隆二十三年改爲龍神祠矣余朔

望行香見樂樓東屹太一宮碑就眎之額書御筆手詔字
文內僅存之以公天下五字餘俱漫滅按史宋高宗曾頒
籍田手詔郡國皆鑄石太之長壽城隍廟舊有此碑疑此
碑即籍田手詔碑也能始之言殆傳譌者又考遂寧縣有
宋徽宗賜旌忠廟額碑爲後唐將夏魯奇不降董璋賜額
旌忠係宣和四年八月事

書西夏天祐民安碑後

此碑在吾菴威城內北隅清應寺中有碑亭前後甃砌封
閉已久耆老亦不知爲何碑但言不可啟啟則必有風雹
之菑余於嘉慶甲子季自貴州玉屏引疾歸家暇與友人

游覽囑和上坼其封不可疆之亦不可乃言若有甃崇我
輩當之與住持無預乃允遂呼傭人數輩啟其前鐵甃而
碑見高一丈許塵土積寸餘帶之乍視字皆可識熟視無
一字可識字體方整與今楷書無異額篆書天祐民安之
碑六字余曰碑後必有釋文仍令坼其後面拂拭之乃釋
文也大略言阿育王起八萬四千寶塿奉安舍利今荏威
郡塿卽其數也自周至晉千有餘載中閒廢興經典莫記
張軌治宮室適當遺址時人謂張天錫曰今之宮乃塿之
故基天錫乃捨其宮輸財營治斤蹤斧跡極其疏略視之
容易可及然歷代工巧營心役思終不能度其規矩迄今

二千餘季大夏開國嘗有欽仄每欲薦整至夕風雨大作
聞斧鑿聲質明塢已端正先后之朝西羌梗邊寇涼土是
夕亦大雷電晦明中上現瑞燈羌覩之駭異而退頃南國
失和乘輿再駕躬行薄伐申命王人稽首虔禱故天兵屢
捷前季冬涼州地大震塢又欽仄守臣露章具列其事詔
命營治鳩工未集還復自正今二聖臨御繼述先志文昭
荏肅內外大治天地禋祀必莊必敬宗廟祭享以時以虔
而釋教尤所崇奉再詔營治云云末有銘詞六十四句文
理樸陋末又云天祐民安五季歲次甲戌朔十五日戊子
建末又刻書碑篆額及僧人名數十校史言夏國字係其

臣野利仁榮所造或云元吳伯之未知其審此碑自余發之乃始見於天壤金石家又增一種奇書矣